

Historia di Bets de Kort, un gran Arubiano

ORANJESTAD (AAN): -- Awe ta dia di entiero di Maria Elizabeth de Kort, conoci pa su famia como Bebe o Bets y pa su gran cantidad di ex-alumno y resto di comunidad como Jufrou Bets.

Bets, kende a fayece Diabierna ultimo na cas na Savaneta, a nace dia 14 di October 1906 na Savaneta y tabata un di e prome onderwijzeresnan 4^{de} rang cu Aruba a conoce.

Despues cu Bets a caba 6^{de} klas di scol basico, el a sigui traha tres aña den e klas ey como ayudante di e soeurman. Si tabatin un jufrou malo, Bets tabata keda cu e klas y hopi biaha e tabatin net un aña mas bieu cu e propio alumnonan.

Despues di e tempo aki, el a bay Curacao unda el a siña pa jufrou di scol, a haya su di-

ploma, pa djei regresa Aruba pa para dilanti klas.

El a traha na varios parokia, pero principalmente na Savaneta y San Nicolas, y su klas preferi tabata 1^{ste} klas.

Esten e klasnan tabata mucho mas grandi, 60 pa 70 mucha no tabata ningun excepcion, y tur tabata sinta cu cinco mucha banda di otro den bankinan largo.

No tabatin buki y lesnan mester a wordo skirbi riba borchin, no tabatin schrift cu pen tampoco, asina ta cu e muchanan tabata usa "lei" cu "grif-fel".

Jufrounan mes tabata werkster di scol y encarga cu tene e lugar limpi, mientras cu pa indica nan salarionan tabatin mester di solamente dos cifra. Banda di jufrou di scol, Bets tabata koster di Misa di Savaneta ora e souernan tabata na

Playa den weekend o den vakantie, un trabao masha pia.

Pa varios aña, el a tene Misa di San Nicolas tambe limpi y tabata haci esey despues di cla cu su trabao den Misa di Savaneta, hopi biaha canando bay y binando back na pia. Bets tabata un hende masha stima y especial y cu orguyo cantidad di hende ta bisa: "Jufrou Bets a haci scol pa mi den 1^{ste} klas".

Pionero di Comedia

Bets tabata e persona cu a cuminsa cu comedia na Aruba y e prome cu el a yega di produci tabata "E streya di Bethlehem".

Su grupo di comedia tabata yama "Las Violetas" y nan a presenta obranan religioso, cuentanan di hada, musical-

nan y mas, semper pa recauda fondo pa Misa o scol.

Ta danki na dje cu Savaneta tin e edificio di Centro di Bario.

Las Violetas tabata duna presentacionnan na San Nicolas, Playa, Santa Cruz y Noord y tabata masha gusta pa publico, ya cu tur obra tabata asina encantador y bon hunga y e trahenan asina bunita.

E cuenta di hada "Sneeuwwitje" por ehempel, a wordo hunga tres aña tras di otro, riba peticion general.

Dedica na Yuda Otronan

Tempo di Segunda Guerra Mundial (1940-1945), Bets hunto cu Jufrou Pascuala (q.e.p.d.) a haci un trabao increible.

Nan tabata busca smeer di baca o carne na Matanza, tabata smelt esaki, yene den blekinan grandi cu nan tabata cera y ceya, hinca nan den caha di palo y hiba Waf pa manda Europa pa yuda e hendenan sobrevivir e hamber y

miseria di Guera.

Bets tabata tambe haya paña di LAGO, bondronan grandi 100 carson di kaki, camisa di kaki, safety-shoes, cu e tabata paketa y manda.

Alavez e tabata pasa cas pa cas pa pidi yudanza pa e pover hendenan cu a keda sin nada pa causa di guera y tur famia tabata yuda cu gran amor y mas tanto cu nan tabata por.


El a bolbe yuda tempo di e inundacionnan di Februari 1952 na Hulanda, pasando cas pa cas na pia pa pidi pa e damnificadonan na provincia di Zeeland.

Otro trabao grandi cu el a haci tabata como miembro di directiva di Credit Union Savaneta, cu lamentablemente no ta existi mas.

Ta cantidad di famia a haya chens pa traha o drecha cas, cumpra auto, frigider, stoof, busca nan salud den exterior, organiza fiesta, et cetera, cu

sigui lesa pg 32

Share Moments. Share Life. 



Un oferta special di Kodak cu ta un tremendo regalo

OFFER LIMITED TO ONE PER PERSON. WHILE SUPPLIES LAST. SEE STORE FOR DETAILS.

CHECKPOINT COLOR

Oferta ta limita tanten cu tin den stock y ta obtenibel solamente na sucursalan di Checkpoint Color

Pa e dianan di fiesta aki cumpra un di e siguiente camaranan nobo, of cualkier otro modelo di marka Kodak, y ricibi un roll di Kodak MAX Film adicional completamente gratis.

Felis dianan di fiesta!

 **Kodak EXPRESS**

 **Hooters Restaurants**
Sasakiweg

CHRISTMAS MENU

APPETIZER

Chicken Quesadilla
Served with Salsa & Sour Cream

MAIN DISH

Hooters Chicken Wings
Hooters Chicken strips
Served with Hooter curly fries, blue cheese and celery

Dessert:
Ice Cream

AFL 25,- PER PERSON

15% Service Charge will be added to your bill